




何 鹤(北京)

清平乐·春游

沿街流浪,逸兴随风漾。诗在玉兰花上放,春色横冲直撞。杏花学唱情歌,堤边梦影婆娑。水底柳丝摇曳,心头泛起春波。

清平乐·上班路上赏玉兰

啼声催晓,蝶醒都门早。月朗星稀随梦了,雪影晒成诗稿。枝头犹待知音,何堪日渐春深。空放佳期流过,想来花也伤心。

浣溪沙·上班途中

此刻均应梦里身,我携星月走都门。杯中诗句醒三分。曙色抻腰撩夜幕,路灯倦眼看行人。枝头雪舞玉兰春。

周冠钧(江苏·扬州)

菩萨蛮·赴富春小宴众约以赠小蚕

梅风初动蝉声破,榴花渐向窗前堕。我亦惜余杯,传歌君莫催。平生肝胆事,漫作温柔计。灯火夜无痕,红尘来去人。

彭雪枫纪念馆

摩云高塔自巍峨,卅七年华马上过。雪抱初心枫愈赤,将军时唱大风歌。
注:彭雪枫有诗句曰“报民先唱大风歌”。

项王故里

饮马槽前物已非,老槐阴里雨声微。拔山空有英雄气,无奈江东不肯归。

洪泽湖湿地公园

大泽茫茫不可穷,野凫飞入碧芦中。我来恰是弥天雨,除却莲花只剩风。

李利忠(浙江·杭州)

游象山花岙岛怀张苍水



书生百战铁衣斑,十万旌旗去不还。
尚有雄心思击楫,几回绝顶望台湾。

方建飞(浙江·平湖)

孤山嚼雪

琼英嚼罢沁心脾,正是孤山萼破时。
我比梅花情更切,无多滋味与诗宜。

良夜

六桥茅埠几勾留,良夜归过楼外楼。
明月在天风在水,西湖与我在回眸。

张小红(陕西·南郑县)

醉太平

书横枕横,灯明月明,几多心事
难平,忆诗朋酒朋。三更五更,
衾冰足冰,高原却自孤零,只愁增病
增。

卜算子

别日也无多,已种相思树。几许
柔肠不由人,牵系君归处。欲睡
却难眠,欲诉情难诉。此际煎熬若早
知,不放君归去。

菩萨蛮·打工别

团圆不易分离易,十年销尽青春
气。正月赴它乡,路长愁更长。
客车犹未发,思念已先达。无奈向天
涯,何人不恋家?

临江仙

昨夜南窗听暗雨,枝头浣洗春
妆。柳丝轻舞染茸黄。梅花开未尽,菜
陌已芬芳。镇日东风天气暖,吴
娃早试新装。多情最是少年郎。人前
谈笑过,器宇自轩昂。

踏莎行·丁酉清明,马家荡美丽乡村行

麦叶清芳,菜花浓满,野田漠漠
莺声远。绿杨阴里舞枝柔,东风陌上
行人暖。朱槛长廊,粉墙小院。
炊烟生处闻鸡犬。凭谁妙笔绘丹青,
农家春色新图卷。

李 远(浙江·桐乡)

梅花二首

一

孤芳开处淡无痕,立向春寒体自温。
不慕薰风吹阁部,甘随流水绕江村。
珊珊别馆灯前影,皎皎扬州岭上魂。
更有幽怀君莫问,清香尽日绕蓬门。

二

天寒日暮竟何依,独抱初心伴落辉。
气韵未因深雪掩,风神疑是素云飞。
书来陇上繁华远,酒尽山中隐逸稀。
冷暖千般犹不解,平生只解斡春归。

山柏荣(浙江·桐乡)

念奴娇

云沉月渺,渐霜天冷寂,疏林苍莽。残柳长堤风掠起,一浦飞花芦荡。倦意轻消,愁思暂忘,舒展形骸放。余生所愿,小舟烟水醉漾。曾忆少岁当年,心高志远,惟念功名望。熙攘芸芸而立后,磨尽春华惆怅。紫阁琼林,玉堂金马,未抵沽村酿。寒江垂钓,伴盟鸥鹭渔唱。

青玉案

庭梧静立霜初降,夜不寐,轩窗傍。欲梦轻舟乘雪访。寻幽携酒,探梅扶杖,相约云峰向。疏星几点阑干望,谁念衰颜染愁状。岁末偏逢人有恙。怕听欢笑,无心再赏,满市烟花放。

王 英(浙江·桐乡)

晓探梨花

春夜田间雨,花朝陌上晞。
草新沾履软,风细送香微。
明洁形相照,清妍愿不违。
苞含千万雪,摇曳拂人衣。

咏油菜花

随性难称富贵花,不求显达乐生涯。
春风不管朝和野,偏把明黄饰万家。

郑 杰(江苏·淮安)

采桑子

一番细雨偷偷去,洗了风尘。花影缤纷。草色青青柳色新。平生亦羡桃源客。携酒千斤,卷走三春,作个逍遥世外人。

蝶恋花

又见情深双语燕。溅绿飞红,处处迷依眼。翠叶愁莺闻啾啾,鸥衔细浪清波乱。一剪烟花千种怨。滚滚红尘,莫道相思浅。幽梦酒醒春鸟遣,熏风拂过伊人面。

功 卓(浙江·绍兴)

大 暑

轩闭帘深大暑天,东江两岸草萋芊。
闲云有意停流水,流水无心戏纸鸢。
细柳扶风波滟滟,芙蕖照影叶田田。
西山落照归家晚,小院炊余淡淡烟。

与故人书

夜溯秋溟碧水徐,蒙蒙暮靄锁清渠。
一心挚切缘青鸟,千里殷勤递锦书。
雨打榴花红柿小,泪沾信纸字痕疏。
天明雨霁无檐语,唯有相思点点余。

李 虎(甘肃·康县)



十月十六过米仓山逢三十初度感赋
松连石径入青云,种火高天似酒曛。
莫笑书生无大志,灵山亦矮我三分。

忆与加翼初逢小酌

月渡天河夜幕开,春光泛上美人腮。
畅怀何惧同君醉,归后清词出砚台。

周百涛(河南·宜阳)

春光好·感春

仓惶过,旧时光。醉犹长,往事纷飞来又去,恁迷茫。草染阶旁苔
绿,花亲室内书香。陌上新呈连续剧,几回伤?

清平乐·清明

清明每雨,常湿庭前树。尤信东风风不语,点点落红尘妒。别梦
千里艰辛,乡心几处沾巾!明日花开满巷,洛城看尽谁亲?

周璐瑶(上海)

沁园春·梅溪湖

山水洲城,梅溪湖畔,沙白如银。望麓山如画,风光旖旎;碧波似镜,绿树成荫。天人合一,湖山辉映,引众游人聚邃林。星辰夜,赏清风明月,袅袅余音。莘莘学子低吟,看杏苑幽
幽翠草茵。恰湘江新区,拔地而起;大

众创业,万众创新。惟楚有材,于斯为盛,四海菁英耀古今。神州跃,盼中华圆梦,不忘初心。

徐登峰(上海)

春 潮

初见新芽点柳枝,江皋又雨湿塘陂。
长空鸣雁旋归去,羁客如潮已觉迟。

张雄珍(浙江·嘉善)

游石门桂花村

金秋韵味染乡村,远近闻名数石门。
一幅田园新画景,千株月桂老苔痕。
财兜运至留佳话,香气袭时迷蝶魂。
竟日阴凉花未放,缘来我再谒灵根。

秋 思

郭外荒芜草木黄,长林萧瑟晚秋凉。
远天何觅断鸿影,小径犹闻残桂香。
望处夹袍兼短袖,感时冷雨与青霜。
光阴不老人生老,一阙新词佐羽觞。

陈 康(四川·绵阳)

采桑子

上元花好花缭乱,君上兰舟,我上扁舟,照影春江水不休。长堤
灯远黄昏后,唱晚沙鸥,烟火城楼,浊泪成诗雨寄愁。

蝶恋花

翻弄瑶琴吹玉管，把酒听歌，犹恨相知晚。年少春心倾一盞，芙蓉池畔花开满。残醉东风莺语乱，整理新愁，不记离人面。追忆当年肠寸断，乱红飞处斜阳远。

虞美人

闲云细柳香风道，一醉思年少。青烟陌上二三家，便是重来，何处听飞花。沉吟怅望千山暮，几点斜阳树。料君无意解当初，春水空流，独自忆江湖。

张海燕(浙江)

丁酉春分即感

划破夜朦胧，谁言天地空。
轻雷犹隐隐，野草正蓬蓬。
绿涨幽阶上，春分细雨中。
迩来怜断梦，不是五更风。

和看牛人

乍满春光便拟归，青青一片麦儿肥。
梨花雪下翩翩蝶，漫向庄周梦里飞。

贾玉格(河北·石家庄)

清明前归故里祭外祖母

麦苗青翠柳芽新，料峭东风驱客尘。

车过老街抬望眼，已无白发倚门人。

题十八堂风景图

远黛红霞掩映深，长风涧水递清音。
群山应是听禅久，守得千年清静心。

阳台上的蟹爪兰开花了

细细熏香次第生，相看报以眼波青。
与君同坐深秋月，时觉春风过小庭。

陆惠琴(江苏·苏州)

梅雪情

一季芬芳梅雪痴，红颜素裹两相知。
缠绵也似双飞燕，约得年年共此时。

减字木兰花·秋心

红笺小字，轻扣玉簪分底事？逝水匆匆，半世蹉跎淡墨中。离亭瘦月，雁字难凭山水阔。身在江南，却把秋心托远帆。

李 鹏(浙江·杭州)

学诗自言

而立之年业未成，诗山圣道始征程。
此中纵使无名利，自有闲云野鹤迎。

小年河畔逢友

寒风凛冽柳云飞，挚友携娃送草莓。
最是他乡温暖事，有人惦念有人陪。



新 蕪 集

浙江经济职业技术学院学生习作选

林永杰 乌夜啼

料得春将尽，
浮凉一枕西湖。往
年欢事笺流水，此
后几行书？
花港凝烟依旧，去
时菡萏闲舒。想来
明日花更好，总是
不如初。

伤春怨

乱絮濛濛雪，
一任东风吹绝。渐
落渐成堆，下有千
千寒叶。且

看天明灭，莫要轻离别。暖褪出清光，
混不像，南楼月。

乌夜啼

浩浩长风万里，冥冥浊海无涯。
浪翻雪花深深处，惊却有人家。
罟网丝丝密布，方塘错落如麻。主人
取酒相对饮，醉梦引流霞。

吕云霞 夏日

别院深深夏日长，轻衣曼妙坐长廊。
阴阴绿树手中扇，竹影微风乐未央。

斯天阳 夏雨

银丝雨幕细如纱，一角遥天尚有霞。
最是殷勤闲不住，檐前燕子水中蛙。

吴冬冬 夏日

夏日微风拂小窗，久时不语读书长。

池中菡萏香幽寂，飘彻堂中境自凉。

周微微 夏日有感

夏日炎炎忧夜短，不辞蒲扇纳微凉。
吹来山雨又吹去，剩有荷花满院香。

陈依宜 忆江南

清波漾，举棹湿罗裳。碧水粼粼
清似镜，风吹丝柳曳情长。人在水中
央。

陈婷婷 忆江南

梧桐落，秋意正阑珊。风雨依人
身落落，江边诗曲韵幽寒。何处踏乡
还。

湛佳丽 西湖春

一点明珠缀柳青，湖心船上笑声盈。
风筝尽日偏多事，着意相连天地情。

罗金婷 忆江南

西塘好，游罢兴犹耽。烟雨长廊
甜酿梦，古街幽巷共闲谈。小坐也微
酣。

徐楠婷 赏桃花

三月桃花艳满园，纷纷学子慕名观。
年年不倦迎春俏，几片馨香点笑颜。

华超楠 卜算子·游记

兴起访湖山，三五佳人应。浓雾
遮山滴翠屏，萦绕仙人影。天朗
赏西湖，相聚雷峰顶。秋色压湖相映
辉，共品江南景。